

著述富藏書工駢文卒於新會學廡子維玉民國間任新會縣長至其父服官舊地建亭紀念著靜遠齋集漢制考補遺一卷
附錄一卷孫子補注一卷論史文一卷駢體文三卷詩一卷

林朱贊字賞庭乾體人廩生家貧力學借書瀏覽遂博羣籍光緒甲午前見時局日非首以新學說鼓舞後進辛丑籌建乾體高等小學爲一邑學務權輿又籌建字山國民小學教育及於漁戶顧天性鯁直動與時忤長官立高小時屢受當道挫折乃奔走革命辛亥光復首與陳武舉義兵變逃番州民元後隨粵軍轉戰高陽廢肇事蹟歸新志記載卒年五十二著字山草堂文稿經說一卷史論二卷諸子一卷性理一卷時務一卷序記一卷雜著一卷又牘一卷詩歌一卷刊行

郭季鎮字潤民乾體人歲貢籤分府經歷以訓誥之學教授生徒光緒甲午前已備購新書有心時務爲一邑先覺中東戰起從軍歷贛鄂蘇皖各省尋以兩國媾和歸講學鄉中辛丑與林朱贊籌建乾體高等小學又倡建郭季氏家族初級小學開風氣先乙巳三那之變羣不逞藉詞殺貴掠富尸焚學堂影響將及乾體鎮時爲團總勸殷富出穀平糶躬自秤量鄉賴以安辛亥改革兵匪焚劫城市舉縣洶洶鎮以義激勸子弟使團結自衛乾體獨得無事積勞病卒年五十七

蔡源字仲淵城內人廩生警敏強記憶宗變法之始廣讀新書報立論輒異於時任合浦速成師範傳習所教員廉州初級師範簡易科教員兼學監先是愚民初見學堂戒（馬旁）爲不經乘三那之亂焚掠學校泉（水旁）所監師範附屬中學亂民擁入

泉（水旁）方授課倉皇竄避僅以身免踰四月病卒二十九

廖愈崇字仰樓南康人世業儒父燭炎諸生鄉里稱長者愈崇幼與諸兄以學行相砥礪皆有聲於時弱冠以府試第一人游庠自是試輒高等遂食廩餼以考優行受知於學使惲彥彬咨送廣雅書院肄業益自奮懷大志喜讀兵書惜以劬勞早卒

許瑞瀾字少波城內人稟資聰穎年十六游庠即食廩餼讀書有遠識當清之季合浦僻左風氣猶塞與同志集會鼓吹新學風氣驟變生平嗜學手不釋卷博覽羣籍文有法度駢體尤瑰麗已乃肆力歐學西教學藝靡不淹貫尤專精圖算知縣鄧倬堂延

課子學使張百熙愛其才咨送廣雅書院肄業踰年卒於省寓年僅二十四所著微積學未就有濬源遺稿刊行

張榮棠字芾甘肅人幼有神童目弱冠遊庠食廩爲戴友梅太守所賞識延課子嘗赴省闈薦不售主講白洲雲龍書院提倡文化壯歲從戎入族兄建威將軍鼎臣幕以功獎同知補貴筑縣旋以官途非志所願辭職歸舟次常樂江遇颶風溺斃年

三十三

陳瑤階字汝瓊珊瑚嶺人清歲貢少年與許少波諸茂才提創新學吾邑風氣爲之遽變曾充汕頭嶺東報記者台滯師範館館長合浦修志局分纂敏而好學文思駿發如風起泉湧下筆萬言爲詩出入昌黎放翁壯年精研許鄭之學於訓詁音韻別有心得擬著六書微及音原二書未就而沒年三十九有羣盒詩鈔四卷羣盒詞稿一卷

韓烈彪字承齋太石屯人光緒癸未武進士授藍翎侍衛京秩俸滿外放澧州守備升長沙都司官湖南二十年武員值承平止以清勤自見晚歲致仕歸里優游養望人咸重之

葉桂初北海人幼失怙恃鞠於祖母逮年長事祖母孝祖母卒薨冠頭履每日必到墓炷香多年不倦人稱有令伯遺風善醫外科製藥濟人有奇效

右新輯

列女

明

李蘭香李清女也年十九指揮張某聘爲子婦後張訪知女家貧欲爲子別娶香聞誓不再適母慰之泣曰烈女不更二夫吾何顏復事人乎願守志以終不我聽有死而已父強之女志不獲伸乃書張氏子姓名置懷中自縊死

劉氏于德妻年十八于歸九月夫卒劉衣縞茹素者三年人未曾見其面既終喪舅姑憐其少欲潛奪其志劉泣曰未亡人安得聞此輒以死自誓迨舅姑歿殯葬如禮苦節五十年

陳氏顧清妻清任賓州訓導卒於官陳哀慟幾絕時年二十五舉遺腹子名行及長棄儒以孝聞娶婦佟氏生一子未幾行亦卒嘗謂佟曰從一而終婦道也幸有先人之遺孤在他日使顧氏有孀死且無恨越十有一年佟亦卒時陳七十餘矣憫其婦先亡痛悼相繼而歿里人哀之巡按御史蘇思表其墓

岑氏惠聰舉人包康妻太學生岑珠女也年十八歸康甫三歲康就業南雄卒岑年二十三歲誓無二志自少至老冰操愈勵女一早寡亦守節如其母云

王氏蕙著指揮張寶妻年二十二而寶卒痛哭幾絕屏迹不出房間訓子輒比長嗣職以平清遠寇功擢都指揮同知時王年六十七嘉靖中詔旌其閭

包氏蘊姨舉人庸之女年十七適王世麟三載而寡子文儲方在襁褓孀居教子孝養舅姑文儲食饋於庠爲童貢生有文行皆母之教年六十六卒勵節四十年始終如一知府何御旌曰貞節

高氏桂女年十八適林廷秀年而廷秀歿有子三歲及長而子復天家甚蕭條舉遺腹孫氏撫育之紡績度日以養以教俾至成立守節三十九年知府何御額其室曰節婦之閭年七十卒

清

李氏瓊英許字孔百尸子宗周未娶而周死氏依兄李華白矢志不嫁順治辛亥華白挈家乘舟避海寇遇風浪全家覆溺率泛流一晝夜隨潮湧至岸境得不死人以爲節烈所感年七十五卒康熙二十六年巡撫朱宏祚命有司給匾旌獎

范氏龐玉振五年一十振亡撫遺腹子萬臣伶丁孤苦外戚勸其改嫁泣然流涕曰此豈以人道責我耶知縣楊昶旌以額題曰畫荻凌霜卒教子成立康熙四十三年五月完節巡撫彭鵬具題旌表

林氏武生莫世傑妻康熙三十五年丙辰山寇未靖傑欲爲僞弁林泣諫曰順天者存逆天者亡固止之不聽莫竟從賊死氏以死自誓白首完貞林以匹婦能知大義與陳嬰母同出一轍

郝氏原許儒士黃朝熙通志作十熙因兵燹流散避警黃繼學之子王翰欲強娶之適熙還里議訂婚期王翰與爭朝熙固寒儒憚其勢不敢措一辭郝氏局尸自縊死聞者哀之

馮氏才姓張庠生何高志妻康熙丁九年尚志赴高州應試回至鹹水橋遇賊被害馮年一十三決志守節事姑劉氏以孝聞始歿葬祭如禮子二長良佐甫三歲次何御僅八月鞠育教訓俱名列膠庠白首完貞年七十卒

潘氏監生黃廷璧妻璧亡潘年二十八誓不再適侍孀姑李氏甚謹壯卒喪葬一準禮法撫遺孤黃瑛黃琮俱成立潘年五旬完節同里欲呈請表揚潘固辭鄉黨敬之

陳氏蔡龍村氏郭鍾瑤妻年二十九夫死事舅姑以孝撫孤子以慈雖田家婦家範整飭正逾五十閭里欲以節孝聞辭不受

熊氏儒士王獻廷妻年十八歸王舉案其莊結褵三載獻廷卒子汝舟纔週歲氏勺飲不入口躬以身殉舅姑慰之曰獨不念藐茲孤爲吾兒存一服耶乃勉進饘粥誓以死守家素貧嘗拮据營甘旨奉雙親而自嚙惡食先後執舅姑喪盡哀盡禮訓子義方以至成立汝舟中雍正乙卯科武舉孀守四十三年咸豐其苦節乾隆十三年請旌建坊

黃氏西場水井村陳超宗妻超宗歿殯殮畢氏仰天慟哭自縊以殉

徐氏生員陳相度妻年二十二而寡撫孤子煥一成立守節六十平嘉慶八年學使姚文田旌以柏貞松壽額卒年八十二

姚氏黎鳳岐妻年二十三夫卒撫遺腹子汝明入泮現年七十三道光七年旌
朱氏吳懷魯妻嫁未幾而寡矢志守節撫孤子和成立娶區氏生孫繼祖未幾子和亦死區氏矢志如姑道光五年旌總督阮元給兩代清標額表之

馮氏拔貢譚超淵繼妻年二十五而寡守節五十年道光七年旌

鄧氏生員羅大經妻年二十大經歿撫孤子得時成立現年八十五道光七年旌學使翁心存給彤管揚輝額表其閭

葉氏黃貫一妻年二十一夫故家赤貧堅貞自矢撫從子嗣柱為嗣苦節五十餘年

梁氏李世美妻年二十五守節矢志靡他撫孤成立孫節迎節授俱遊庠入監卒年九十二

曾氏李爵榮妻年二十二守節遺孤挺芳甫二月撫教成立娶婦吳氏未幾挺芳亦卒吳氏亦矢志如姑事姑惟謹撫孤恆觀以延宗祧曾卒年七十三吳卒年六十七人稱一門雙節

張氏陳其冕妻年二十九冕歿遺孤德鴻生甫六日矢志守節故事孀姑乾隆丁酉歲荒饑日採藜藿績紡度日撫孤成立現八十二

朱氏陳煥疇妻年二十五守節子堯化甫六歲氏偕姑孝事替日視姑須臾弗離左右翁姑歿殯葬如禮卒年九十四

黃氏陳錫質妻年二十六守節撫孤子清源清河遊庠入監卒年三十八

梁氏廖文樂妻年三十樂亡遺孤宗敷娶媳李氏生孫承芳而宗敷亦亡宗敷之孫繼勇姑喪殯葬如禮撫孫成立苦節五十餘年道光八年郡守張育(士勇)春旌其門

羅氏潘攀龍妻年二十六守節撫遺孤潘璇聘媳陳氏年二十三誓不再字偕姑守節羅現年七十陳現年四十五
一門雙節鄉里欽之

鍾氏彭桂英妻年三十英歿守節撫孤卒年八十五子承嗣

黃氏生員郭聖侯妻年二十六守節子登朝娶陳氏年二十七登朝亦沒繼偕姑苦節終身撫孤鼎亨成立補弟子員黃守節四

十三年張守節三十一年

譚氏羅大珍妻年二十二而寡撫夫兄大勇子道章承嗣敘養成立遊泮現年八十六

李氏歐士嘉妻夫卒李年二十九家貧苦節撫孤紹淵成立遊泮卒年九十七

譚氏李恆存妻年二十五而寡撫遺腹子達成立家道寔昌子孫蕃衍卒年九十六

吳氏生員邱人俊妻年二十七守節撫孤奉姑飲冰茹蘗白首無玷卒年八十

何氏羅毅妻年二十六襲亡甘貧苦節孝事舅姑撫孤成立孫九疇食餼於庠卒年八十六

周氏黃士傑妻鍾平訓導周煥女年二十九而寡撫孤燮圖成立孫輝霞食餼於庠卒年七十八

鄧氏佟會昌妻年十八適昌孝事舅姑年二十四昌故氏苦節撫孤備極勞瘁子憲文歲貢生憲武食餼於庠卒年八十六

林三姑例貢林炳章女端莊靜一炳章歿其妻以三姑許字某某敗度不能娶某之姑若姊家亦墮岫青樓聞三姑乃美助某金

完婚其實意有所在也婚期已過二姑始悉其情因乘夜赴水死三覓其尸衣履密縫寸體不露頭髻縮結如故凜凜有生氣

太守何天衢旌其墓曰貞女歛州牧馬倚元暨聚官紳各弔以詩已拔貢玉乃修刊發幽貞紀實並倡捐修墓

黃四姑黃雲升女性幽嫻喜茹素父特鍾愛之允誓不嫁時父母俱歿年七十一

王氏王九皋長女已適人歸省適九皋採薪遇虎為所攫哀為平為抱虎腰與虎相持呼救不絕村人遙望不敢近走報其家

適舉妻他小聞如奔救執棒毆虎軌中其要害虎旋斃舉得無恙人謂勇坐于孝若有所神助事在嘉慶十八年

陳氏鄧季瑞妻年二十四守節卒年五十八

鄧氏楊朝棟妻年二十七守節卒年五十

李氏廖煒宗妻年二十五守節卒年七十

蘇氏鄧國璉妻年二十四守節卒年八十六

甯氏陳良輔妻年二十六守節卒年九十一

米氏吳家貴妻年二十九守節卒年五十六

黃氏張安國妻年二十三守節卒年六十一

林氏黃世經妻年二十二守節卒年八十一

莫氏包朝卿妻年二十三守節卒年八十三

謝氏莫如坤妻年二十五守節卒年八十六孫媳顧氏玉高妻年二十五守節現年五十四

葉氏莫怨妻年二十九守節卒年八十九

甯氏朱軒南妻年二十七守節卒年七十二

黃氏朱道南妻年二十七守節卒年六十

覃氏李茂標妻年二十五守節卒年六十七

佟氏林正清妻年二十守節卒年四十四

李氏陳嘉桂妻年二十三守節卒年五十九

楊氏彭定龍妻年二十三守節卒年九十八

李氏郭冠來(山旁)妻年二十六守節卒年六十三

姚氏蘇作容妻年二十二守節卒年五十二

龐氏周邦玉妻年二十六守節卒年七十五

古氏吳國禎妻年二十一守節卒年八十一

楊氏古紹謨妻年二十九守節卒年六十

容氏陳建相妻年二十五守節卒年四十五

王氏駱信琅妻拔貢王超宗孫女年二十守節卒年七十七

蘇氏龐統德妻年二十四守節卒年八十

李氏王化貴妻年二十五守節卒年七十三

林氏李興清妻年二十守節卒年七十九子蘭香順天副榜長香原貢生

莫氏陳芝蓮妻年十九守節卒年五十二

蘇氏許廷岳妻年二十四守節卒年七十九

羅氏許其春妻年二十五守節卒年六十九

陳氏李世成妻年二十六守節卒年七十四

陸氏李世儒妻年二十七守節卒年八十

貞女鄭氏鄭日恆長女吳氏吳麟趾次女同居西屯村為姨表姊妹皆矢志不字奉父母以終身鄭年八十二卒吳年八十五卒

李氏陳培椿妻年二十四守節現年五十六
陳氏鄧李燦妻年二十五守節現年五十八
張氏陳錫賢妻年三十守節現年五十六
朱氏陳錫賓妻年二十四守節現年五十四
張氏陳培根妻年二十九守節現年七十八
彭氏陳培密妻年二十三守節現年七十二
彭氏監生葉紹芳妻年二十八守節現年五十八
莫氏蘇會舟水旁妻年二十九守節現年七十八
吳氏蘇慕華妻年二十四守節現年五十五
何氏易映章妻年二十三守節現年五十四
梁氏龍德甫妻年三十守節現年七十八子漢中歲貢
甯氏譚中爲妻年二十八守節現年八十一
陳氏吳學周妻年二十六守節現年五十六
鄧氏馮廷棟妻年二十一守節卒年五十八
黃氏生員張鵬翔妻年二十四守節現年六十五
黃氏張鵬翹妻年二十五守節現年六十二
潘氏韋著錦妻年二十五守節現年五十六

陳氏吳家琛妻年二十四守節現年五十六

張氏馮維遠妻年二十四守節現年五十五

金氏陳憲湯妻年二十三守節現年六十

王氏柯秉懿妻年十九守節現年五十撫夫弟秉秀子運廣爲嗣

王氏監生吳德慶妻年二十九守節現年七十二子建邦候選巡檢

黃氏鍾日華妻年二十三守節現年六十七

蘇氏馬世瑚妻年二十八守節現年七十

王氏朱興南妻年二十一守節現年五十九

王氏孫曹欽妻年二十九夫歿食貧守節撫孤成立現年九十二孫孫時孫慶俱遊庠

鍾氏夏演疇妻年十九守節現年五十一

金氏沈奎文妻年二十二守節現年五十三

鍾氏杜憲東妻年二十四守節現年六十五

柯氏杜秀東妻年二十守節現年五十八

劉氏李琮香妻太學生劉濯泮女年十九守節卒年七十二道光年旌表建坊東門外

鍾氏監生王觀堯妻年二十五守節現年六十二

杜氏廩生譚懷義妻年二十一守節卒年五十

麥氏周瑞麟妻行年二十二守節現年八十四